


Årsmelding 2022

Indre Sunnfjord Turlag



Årsmelding frå hovudstyret



Tillitsvalde 2022

Hovudstyre:

Leiar: Ingebjørg Erikstad
Nestleiar: Roger Hopland
Kasserar: Kjell Arne Hjellbrekke
Skrivar: Steffen Ben Jonstad
Styremedlem: Per Tore Meier, Jan Bjarte Skrøppa, Jarand Fitje, Kjell Kleiven, Edith Falkenstein.

Barnas Turlag:

Leiar: Steffen Ben Jonstad
Medlem: Sissel Flåm (Førde), Julie Vårdal Heggøy (Fjaler),
Evelyn Vågane (Askvoll), Torill Hukset (Naustdal).

DNT Ung Indre Sunnfjord:

Leiar: Jarand Fitje
Medlem: Julie Fonn Kleiven, Ronja Årskaug Vallestad, Johannes Dvergsdal Volle.

Seniorgruppa:

Leiar: Edith Falkenstein
Medlem: Sigrid Gjelsvik, Magni Kvile, Karen Hornnes
Vara: John Lien

Bre- og fjellsportgruppa:

Leiar: Per-Tore Meier
Medlem: Sissel Vedvik, Kjell Kleiven, Håkon Østvik.
Vara: Anja Lena Selstad

Hyttestyret:

Leiar: Kjell Kleiven
Medlem: Mariann Svingen, Per-Tore Meier, Anders Terje Vie
Vara: Jorunn Vågen

Merke- og løypenemnd

Leiar: Jan Bjarte Skrøppa
Medlem: Knut Skurtveit, Magnar Egil Øren Gangsøy
Vara: Helga Erdal Brenne

Revisor: Bjarte Erdal og Marit Nykø

Valnemnd: Vigdis Flaten Kvamme, Anita Rennestraum, Atle Holsen (leiar)

Billete på framsida er frå tysdagstur til Solheimsnipa, sept 22.

Hovudstyret

Styret har delt arbeidsoppgåvene slik: Ingebjørg Erikstad er leiar, Roger Hopland, nestleiar, Steffen Ben Jonstad, sekretær. Kjell Arne Hjelmbrekke kasserar. Dei andre i styret, har etter vedtektsendring, vore leiarane i undergruppene. Styret har i perioden hatt 8 møter med til saman 80 saker. Styremøta har vore på Førdehuset. Med eit styre på 9 medlemmar er det godt å ha god plass. Jens Petter Bøe har ført rekneskapen.

Styret har prøvd å arbeide etter gjeldande budsjett og handlingsplan som vart vedtekne på årsmøtet i 2021. Det har vore gjennomført 14 vaksenturar med 379 deltakarar. Barnas Turlag har gjennomført 21 aktivitetar til saman med kring 1045 deltakarar. Nyoppstarta FTU har hatt 2 arrangement med totalt 70 deltakarar. Ein av dei store suksessane i år har vore tysdagsturane med seniorgruppa. Alle oppsette turane vart gått, i tillegg til tre ekstraturar. Totalt 19 stk, med totalt 334 deltakarar. Det har vore mykje regn og dårleg vær i sommar og haust med fleire avlyste turar. Til tross for det har turåret 2022 vore eit godt turår med totalt fleire deltakarar enn i 2021 (sjå vedlagt statistikk).

Av større saker det har vore arbeidd med gjennom året, kan vi nemne at det vart gjennomført turleiarssamling i mars, der fokuset vart sikkerhet og turleiarrolla. I oktober vart det gjennomført fjellsport- og turprogramkveld med foredrag av Sondre Kvambekk. IST søkte og fekk innvilga spelemidlar til gapahuken ved dagsturhytta Gyttå. Gapahuken står no ferdig til bruk. Det er også, i samarbeid med Sunnfjord kommune, utarbeidd eit prosjekt for omlegging/utbetring av turstien på Nordheia. Det er søkt spelemiddelfinansiering til dette. Med tilskot frå Sparebankstiftinga via SFT, og i samarbeid med NFU Sunnfjord har vi hausten 2022 gjennomført to friluftstiltak for menneske med utviklingshemming.

2022 har vore «Frivillighetens år». IST har markert dette med lesarinnlegg frå leiaren i Firda i mai, markering av turar, og deltaking på «Sykkelløpet» der Jarand Fitje sykla frå Sanderplassen til Movika med Kjell Arne Hjelmbrekke som passasjer. Vi har også vore med på kampanjen «#sammenpåtur». I samband med friluftsveka i september hadde leiar ytt lesarinnlegg i Firda.

Leiar og org.sek. har vore tilstade på frivilligkonferanse i Sogndal i juni, og i Bergen i november. IST har hatt møte med lokale interessentar og vore på stand og møter gjennom turåret 2022.

IST har hatt avtale med Marie Sørnum om arbeidshjelp til administrative oppgåver i 25 % fast stilling. Dette har vore eit samarbeid med Luster og Sogndal Turlag, der Sogndal Turlag er den formelle arbeidsgjeveren. Etter styret si meining er det heilt nødvendig med administrativ hjelp. Å drive frivillige lag og organisasjonar er etter kvart vorte veldig omfattande og komplekst. Vi treng hjelp til søknader, rapportering, marknadsføring og kontakt med overordna organisasjonar og offentlege myndigheiter. Det å halde seg oppdatert på dataløysingar og liknande er og svær tidkrevjande for dei tillitsvalde. Dette arbeidet, vil utan hjelp frå profesjonelle, gå på bekostning av kapasiteten til å få gjennomført primære oppgåver og aktivitetar.

Økonomien til IST er god. Det er likevel viktig med god økonomisk styring. Vi har klart å følgje budsjettet i all hovudsak. Vi syner ellers til sjølve regnskapet.



Årsmelding frå hyttestyret

Styret har hatt eit ordinært styremøter i inneverande år, der var nyvalt leiar i hovudstyret, Ingebjørg Erikstad invitert for å gjere seg kjend med alle i hyttestyret. Det vart også informert om aktiviteten i hyttestyret. Ellers har det vore ein del korrespondanse på e-post og telefon.

Longevasshytta

Tilsyn: Torunn Solheim. Tilsyn er utført etter gjeldande instruks.

Det har vore ein dugnad på hytta inneverande år, og det har vore nytta helikopter for å frakte inn nødvendige varer og utstyr. Arbeid som var starta i 2021 og ikkje vart fullført vart vidareført i år, utskifting av vindu og beising. To av dei store vindua vart skifta, eit på kjøkkenet og eit på hemsen, no er alle dei store vindua utskifta, det gjenstår tre små vindu på vaskerommet og toalettet. Dette vil bli prioritert neste år. Beising av hytta og dei andre bygningane sto også på programmet i år, men på grunn av ein våt sommar var det ikkje ideelle forhold for det, men litt av hytta (vestveggen) vart beisa to strøk. På grunn av lekkasje i pipa er det no montert pipehatt, dette vil forhåpentleg hindre vidare lekkasje og frostsprenging.

Gass, ved og proviantlager er fylt på, det meste av sengkle er skifta, hytta er skura og vaska. Doen i hytta er tømt. Hytta er gjort klar for vinteren, båtane og kanoen er tatt inn og vatnet er stengt av. Stigen (brua) over elva er også tatt inn.

Føreståande og vurderte behov/tiltak: Beising av hytta og dei andre bygningane. Skifte dei små vidua på vaskerom og toalett. Skifte ytterdør. Alle nødvendige materialer og utstyr til dette er lagra på hytta.



FRÅ DUGNAD PÅ LONGEVASSHYTTA, SEPT 22.

Nipebu

Tilsyn: Dag Tore Mjåseth og Anita Brendehaug Mjåseth. Tilsyn er utført etter gjeldande instruks.

Det har vore ein dugnad på hytta dette året, det vart nytta helikopter til fyke inn ved, gass og nytt solcellepanel, batteri og reulator. Solcellepanelet vart montert i november. Dag Tore og Anita bar inn ein del proviant, dei skifta også det meste av sengklea og vaska store deler av hytta. Sengklea bar dei tilbake for innlevering på vaskeriet. På dugnaden vart doen i hytta reven og fjerna, det planlagte arbeidet med ombygging og skifting av vidu blir vidarført til neste år.

Båt og kano er lagra i nauset og hytta er gjort klar for vinteren.

Førestående og vurderte behov/tiltak: Vidareføre arbeidet med ombygging av hytta, planlegge romløyning. Innhente pris på materialer og arbeid. Vurdere utskifting av vindu, innhente pris på vindu og arbeid. Årleg dugnad.



OVER: NIPEBU TIDLIG I HAUST. UNDER: HELIKOPTERLØFT TIL LONGEVASSHYTTA, 2022.

Massbu

Tilsyn: Ingvald Os og Jostein Laukeland. Tilsyn er utført etter gjeldande instruks.

Det arbeidet som var tenkt i inneverande år blir vidareført til neste år.

Føreståande og vurderte behov/tiltak: Ta mål av madrassane og få sydd nye trekk på desse. Skifte ut gassbluss med nytt, nye slangar og regulator. Fulle opp med meir ved.

Hyttestatistikk

Massbu	2003	2004	2005	2006	2007	2008	2009	2010	2011	2012	2013	2014	2015	2016	2017	2018	2019	2020	2021	2022
Overnattingar	31	42	63	30	45	18	19	15	18	27	9	34	35	131	27	23	28	2	29	23
Dagsbesøk	82	109	127	36	48	66	82	69	26	30	29	13	50	35	38	32	47	17	34	21
Longevasshytta	2003	2004	2005	2006	2007	2008	2009	2010	2011	2012	2013	2014	2015	2016	2017	2018	2019	2020	2021	2022
Overnattingar	207	231	224	201	145	114	207	202	169	137	178	302	97	28	463	243	243	147	224	168
Dagsbesøk	97	89	57	77	142	124	149	16	36	20	231	37	48	37	56	82	12	15	28	23
Nipebu	2003	2004	2005	2006	2007	2008	2009	2010	2011	2012	2013	2014	2015	2016	2017	2018	2019	2020	2021	2022
Overnattingar	487	437	389	485	402	406	374	341	290	276	236	397	423	307	314	408	370	204	178	269
Dagsbesøk	161	98	114	100	125	206	133	92	64	75	87	119	54	86	92	83	46	20	34	15



TYS DAGSTUR TIL MASSBU

Årsmelding Bre- og Fjellsportgruppa

Tursessongen 2022 har stort sett vore prega av dårleg ver. Fjellsportgruppa hadde sett opp fleire turar som har vorte avlyst grunna veret, så det vil vera fint å prøve å sette dei opp att i 2023. Det vart gjennomført topptur på ski til Grovabreen i påska med strålende vêr, topptur til Munkeggi i Balestrand, og Kvitfjellet i Jølster. Tre turar med om lag 55 deltakarar til saman.

Fjellsportgruppa er i mangel på turleiarar som kan gjennomføre krevjande dagsturar.



FJELLSPORTTUR TIL GROVABREEN, PÅSKEN 2022. NYDELEG VÆR OG FORHOLD.

Årsmelding Seniorgruppa i IST

Vi har eit godt samarbeid i gruppa gjennom året så vi brukar ikkje mykje tid på fysiske møter. Er det noko vi lurar på så diskuterer vi det på turane eller på e-post / melding. Vi har hatt eit møte i år med styreleiar Ingebjørg, da ho ville bli kjend med dei som er i gruppa. Alle turane for 2022 vart planlagde og fordelte til dei som skulle vere turleiarar på planleggingsmøte hausten 21. Det har vi også planlagtjere for tursesongen 2023.

Den første turen gjekk på Mostien og den siste gjekk til Grimsetstølen. Vi må ha nokre lette turar som passar alle turgåarar frå 80 år og ned til 60 år. Det har vore gjennomført 19 av 17 planlagte turar i løpet av sesongen. Det har vore godt oppmøte på turane. Vi har ikkje hatt det beste turveret i år, men vi har til saman hatt med oss 334 deltakarar på tur. Det ser ut som at det har gått fint å annonsere turane på heimesida til turlaget og på FB. Turen som vi hadde planlagt til Vetehytta i Bremanger måtte vi avlyse sidan det var meldt dårleg ver. I staden tok vi ein tur til Guleslettene (vindmølleparken). Det var tåke og regn, men med gode regnkle gjekk det fint å vere ute.

Vi var heldigare med veret då vi var i Årbergdalen, strålande sol og 38 turgåarar. Dette var nest siste turen vi hadde planlagt i år, men ettersom det var interesse for det, sette vi opp 3 ekstra turar. Den eine tok vi saman med Flora turlag til Askrova. Tok bussen til Florø og båt der i frå. Det var ikkje meldt det beste veret då heller, men utruleg nok så fekk vi fint ver med sol, (berre ei lita regnbye) men det bles litt. Til Askrova vart vi berre 3 stk frå IST, det var nok vermeldinga si skuld.

Seniorgruppa ser fram til mange fine turar i 2023 og framleis god deltaking!



TYS DAGSTUR TIL FUREBØSTØYLEN, AUG 22

Barnas Turlag Førde

I 2022 har vi hatt liten aktivitet. Vi har kun vore 3 turleiarar, som slit med å ha nok tid. Vi hadde ein topptur på ski til Fauskevarden 2. April kor vi var maks heldige med vær og føre! Her var det 10 deltakarar.

Sommaren har stort sett regna vekk. Men vi har vore tilstade Førde opp og Førdefestivalen. Arrangementet saman med Førdefestivalen fekk vi ein turleiar frå seniorgruppa til å fortelje om stølskultur. Det vart vellukka tross mykje regn!

Kom deg ut dagen 5. September vart som vanlig arrangert på Hundsrasta i strålende sol. Mellom 250-270 personer møtte opp og alle var fornøyde. Vi lånte ut kano og SUP brett, laga suppe på bål og hadde turtipp. Totalt 3 turar/arrangement med om lag 300 deltakarar.

Vi har planar om lommelykttur og grauttur i Movika når der nærmar seg jul!



BILETER FRÅ SKITUR OG KDU HAUST, 2022

Barnas Turlag Fossheimen/Gaular

I år har Barnas Turlag Fossheimen hatt to turar. Den første var KDU-dagen i februar. Vi var på Skistølen på Langeland. ca 25 voksne og 35 barn. Det var fyr på bålpanna og godt med snø til skileik og moro :-). Turboreven var ikke til stede, siden han hadde fått Korona ;-)

25. juni var vi med på Storehesten Opp - base ved Skaraly. For ein fin og fantastisk heiagjeng ungane var! Turboreven kosa seg med å dele ut kjærlighet til spreke barn og likte eventyret biblioteket las opp, sjølv om reven egentlig burde vore helten...

R-en i rebusen har regna vekk siste dagane, men Turboreven er nøgd likevel

BT Fossheimen/Gaular- Heidi Eriksrød



TURBOREVEN OG REBUSEN PÅ STOREHESTEN OPP

Årsmelding Barnas Turlag og Ung Askvoll

Barnas Turlag Askvoll har i løpet av november 2021 til oktober 2022 gjennomført 5 turar. Turdestinasjonane har vore alt frå fjord til fjells.

Vi har som vanleg hatt varierende antall deltakande born, alt frå 20 – 60 i år. Deltakartala frå før covid har vi ikkje heilt fått opp igjen.

Vi gjennomførte begge KDU-dagane. Vi har hatt samarbeidsturar med både Askvoll Kyrkje, Holmedal Vel/Dalsfjordveka, Sjøstjerna 4H og opplever det som positive samarbeid for å få fleire med på tur.

I mai hadde vi ein tur i Industriminneløypa i Stongfjorden, denne turen la vi dit for å hjelpe folk i gong og profilere “Titur Dalsfjorden”. Turane våre er fordelt på føremiddag, ettermiddag, helg og vekedag.

Vi ser at størstedelen av borna som er med er under 10 år, dermed legg vi turane litt opp etter det. Ellers samabeider vi godt med andre grupper i bygda.

Markedsføring føregår stort sett på facebook, av og til med lappar i barnehage, skule og oppslagstavler.

Totalt 5 turar med om lag 250 deltakarar. Stemninga er framleis god i gruppa, og vi ser fram til 2023.



FRÅ KDU 2022

Barnas Turlag Naustdal

06.februar: KOM DEG UT DAGEN. Fin dag i Instedalen Skianlegg på Kom-Deg-Ut-dagen 2022, kl 11-14 i samarbeid med Florø Frivilligsentral. Det var ca 100 frammøtte. Det var ein del ungdom som var utan vaksne, det var ca. 60 barn og 40 vaksne. Det var 28 som kom med bussen fra Florø, 12 barn, 6 unge og 10 vaksne. Bussen var eit gratis-tilbod for personar med låg inntekt "Alle med"-tiltak. Instedalen skileik-anlegg ordna med preparerte løyper og parkering/vakter, og vi fekk bruke varmastova m/toalett. Dei har også utlån av ski/sko/stavar og akebrett til dei som ikkje har utstyr sjølve. Servering av pølse m/brød, sveler, saft og bålkaffi til alle. Tilbakemelding frå deltakar frå Florø: Det var en fantastisk dag med masse gøy og snø.

Vinterveka, veke 8: Vinterveka er arrangert av Instedalen Skianlegg. BTN støttar arrangementet med kr 5000 (Frifond-midlar). Frivilligsentralen dekkar kostnad for ski-buss tur/retur Naustdal sentrum - Instedalen kvar dag måndag-fredag. Det var ca 30 born med kvar dag. (Lokal-transport-ungdom-midlar). Vinterveka består av ulike typar skileik, topptur, ng mm. Og det blir servert varm mat. Er veret for dårleg er det inneaktivitet i nedlagt skulehus. Totalt 150 deltakarar)

Mai 2022: Barnas Turlag lånar ut kanoar, barne-kajakk, sup-brett, årar og vestar på Sanden. I skåpet finn ein vestar og årar. Der er også pumpe og eit sete til sup-brett. Alt utstyret og skåpet er låst med DNT-nøkkel. DNT-nøkkel kan lånast på Tenestetorget/ kommunehuset måndag-fredag kl 8.00-15.30 (spør etter Frivilligsentralen) Det er kun vaksne som kan låne nøkkel til utstyret, alle born må ha følge med vaksne. Vi kjøpte kajakk-stativ til kanoane, bretta og kajakken før sommaren.

BTN var med på Bamsejakt i mai. Det blei plasserte bamsar ulike stader i sentrum, med info og bilde på Facebook (Turbo blei ikkje med i år, for han låg i tursekken til ein av turleiaran).

1.juni: Padledag på Sanden. Det var kun 2 vaksne og 2 barn på padlinga....så dårleg oppmøte. Vi prøvde å finne den dagen best veir første veka i juni, men det var litt grått og regn sjølv om det var meldt bra veir.

7.juni: Opptur for 8. og 9.klasse. Turen gjekk frå Helletunellen til Naregga. Buss til/frå Helletunellen. Det var 32 elevar med 8.inn, sikkert noko liknande frå 9.trinn + vaksne/lærarar. BTN skaffa turleiar. Etter å ha utsett turen eit par gonger pga regn, vart det ein flott tur i bra ver.

10.juni: Kulturnatt i Førde. IST hadde fellesstand med utdeling av diverse materiell. BT Naustdal stilte ein time på standen, kl 18-19.00.

4.september: KOM DEG UT DAGEN: Klatring på Kalland. Det møtte fram ca 30 personar, fordelt på 10 vaksne og 20 barn. Klatring var fullt heile tida. I tillegg til klatring hadde vi Tur-tipp, skattejakt, og dart, samt servering av bollar, saft og bålkaffi. Vi traff blink med det meste idag. Fint vær, god stemning og gode instruktører. Takk Solrunn og Geir-Ståle som var klatreinstruktørar og leigde ut klatretstyr. Kom-deg-ut-dagen 2022 var flott.

2.oktober: Fisketur til Russenes. 5 barn og 5 vaksne. Opplett og fin tur. Fekk 7 fiskar. Ingen hadde behov for å låne fiskestang. Grilling av pølser på bålpanne.

Totalt 11 arrangement med om lag 330 deltakarar.



OVER: FISKETUR TIL RUSSENESET. UNDER: KDU I INSTEDALEN.

Barnas Turlag Fjaler

Kom deg ut-dagen

Som i 2021, starta vi turåret 2022 med den tradisjonelle Kom deg ut-dagen første helga i februar. Vi hadde arrangement i Klokkargarden i Dale sentrum der om lag 30 born og 20 vaksne møtte opp. Vi hadde laga til tre ulike naturstiar å gå for små, mellomstore og litt større born. Alle fekk grillspyd og sjokolade som premie. Etter naturstien fekk alle pølser og brød sponsa av Gilde / Indre Sunnfjord Turlag, og medan vi sat og grilla var vi så heldige å få nokon solgløtt på ei helg som elles var ganske grå. Eit vellukka første arrangement for året, og godt oppmøte.



Monsterbesøk

I mai inviterte vi til Monsterbesøk på stranda Badevika i Dale i samarbeid med Fjaler kulturkontor. På ettermiddagen 12. mai kom Adele Duus (Lys Levende Adele) som hadde figurteater der vi møtte bestevenane Storemonster og Veslemonster. Ein dag då Storemonster vil leike, kan ikkje Veslemonster, for Raggmonsteret er på besøk. I denne vesle framsyninga som varte i om lag 45 minutt fekk vi sjå kor vanskeleg det er å vere tre. Monsterbesøk byggjer på den nynorske biletboka med same namn av Áslaug Jónsdóttir, Raket Helmsdal og Kalle Güettler, omsett av Tove Bakke, og passar for born frå 3 år og oppover. Vi hadde ein skikkeleg fin ettermiddag i Badevika, der heile 60 små og store tok turen. Etter framsyninga serverte vi pølser, saft, kjeks og kaffi til alle. Eit svært vellukka arrangement, og veldig kjekt å samarbeid med kulturkontoret i Fjaler. Vi håpar å få til liknande arrangement også neste år.





Postvegtrimmen

I september hadde vi i år som i fjor samarbeid med Svint IL i Flekke om den årlege Postvegtrimmen. Barnas Turlag sin tur er noko kortare enn heile Postvegtrimmen, og gjekk frå Skor (Sveien) i Hyllestad kommune til Hovland i Fjaler kommune. Turen er om lag tre kilometer lang og passar fint for små bein. Nærare 40 born og 25 vaksne møtte opp og gjekk Postvegtrimmen denne fine sundagen i september. Alle fekk stempel i fjellpassa sine ved start. Vel framme på Hovland fekk alle servert bollar, saft og kaffi av Svint IL, medan Barnas Turlag delte ut premie. God stemning og turglede blant små og store, og igjen eit godt samarbeid med andre aktørar i kommunen.



I desember planlegg vi ein reflekstur i ein av skogane rundt Dale, der vi avsluttar med servering av graut og saft mellom trea. Kanskje kjem nissen i år også? Det er alltid like spennande! Vi ynskjer å takke dei vi har samarbeidd med i året som gått, og dei som har sponsa oss med gåver og anna. Tusen takk til alle som har tatt turen og vore med på arrangementa våre!

Vi gler oss allereie til 2023 og alle dei fine turane vi skal på då! ☺ Beste helsing Irene, Leonora, Malene H., Marie, Sarah, Malene S. og Julie

Årsmelding – DNT Ung Indre Sunnfjord

Dei siste åra har det vore noko redusert aktivitet i ungdomsgruppa. Gruppa hadde eit planleggingsmøte i starten av turåret 2022 med pizza .

Det har vore gjennomført «dagskurs skred» med midler frå Bjørstadstiftinga, den 7.mars med 6 deltakarar. Innleigd instruktør frå Norgesguidene. Takk til Jølster skisenter for lån av varmestove og rimeleg dagskort.

Jarand og Johannes var med på stand under «Kulturnatta» i juni, og Jarand var også med på «Sykkelløpet» 23.juni.

Det vart forsøkt gjennomført buldring for DNT ung, ingen oppmøtte i mai. Det var forsøkt gjennomført tre aktivitetar i samarbeid med KFUM-KFUK feb-april. Ingen oppmøtte. Etter sommeren har både Julie, Johannes og Jarand flytta vekk.



BILETER FRÅ DAGSKURS SKRED I MARS, SYKKELLØPET I JUNI OG BARNAS TURLAG FØRDE PÅ FØRDE OPP, 2022



Friluftsliv Tilrettelagt Utviklingshemmede (FTU)

Turlaget fekk stønad frå Sogn og Fjordane Turlag/ Sparebankstiftinga til å starte opp og teste ut interessa for FTU i IST sitt område.

Det vart oppretta kontakt med NFU lokallag i Sunnfjord i juni 2022. Etter eit møte med lokallaget her i Sunnfjord vert det planlagt eit arrangement i Hafstadparken 5 sept.

Den 5.sept vert det gjennomført eit arrangement for alle som ville delta med FTU, i Hafstadparken. Oppmøte ved Biltema Førde. Samling, og utdelinga av FTU vest. Vi gjekk på tur i parken og fekk utdelt ein turbingo. I parken vert det grilling av pølser, utdeling av saft og frukt og aktivitetar. Alle fekk ein DNT kopp som premie for turbingo. 30 deltakarar. Nydeleg vær.

Neste aktivitet vart arrangert den 20.oktober. Oppmøte på Langeland, og aktiviteten var natursti rundt rulleskiløypa på Langeland. Også denne dagen var det nydeleg vær, og godt oppmøre. 40 deltakarar. Arrangementet vart lagt til asfalt, slik at rullestoler også kunne vere med på runda. Gode tilbakemeldinger. Etter naturstien var det samling i grindbygget, med bål, varm saft og frukt.

Det er planlagt eit nytt arrangement torsdag 1.des frå kl 17.30-19.00 på Mo, Jul i stallgata.



FTU SITT FYRSTE ARRANGEMENT I HAFSTADPARKEN, SEPT 22, MED OVER 30 DELTAKARAR

Årsmelding, merke- og løypenemnda

Merke- og løypenemnda i IST har siste året vore samansett slik: Jan Bjarte Skrøppa (leiar), Knut Skurtveit, Helga Brenne og Magnar Egil Øren Gangsø. Tidlegare medlem/leiar i gruppa Atle Holsen, har også gjort ein god innsats i 2022!

Å vere ute i dårleg ver er i utgangspunktet ikkje noko problem når ein berre har kledd seg etter forholda. Det som er verre å få gjort når det regnar, er å merke. Då er ein avhengig av tørt underlag og nokre timar opphald i etterkant. Så når snøen etter kvart hadde reist frå dei fleste plassane og ein hadde tenkt å effektuere litt merking, så vart det vått og det i lange tider.

Heilt svart har det likevel ikkje vore, så også dette året har nye T`ar sett dagens lys eller gamle blitt reparert.

Merke- og løypenemnda hadde i mai eit lite oppstartsmøte der vi la litt planar og diskuterte merking og rydding av stiar. I etterkant av møtet har det blitt kjøpt inn nødvendig utstyr som er tilgjengeleg for dei som ynskjer å bidra til merking og rydding. Dette er blitt lagt på lageret til IST.

Møter/aktivitet utanom dei ordinære oppgåvene til gruppa:

Nordheia

Jan Bjarte har på vegne av gruppa, saman med Ingebjørg og Marie, delteke på 4 møter og 2 synfaringar/feltdagar med representantar frå Sunnfjord kommune og grunneigar, for å planlegge prosjektet som gjelder oppgradering og ny sti opp til Nordheia. Turen til Nordheia er svært populær for folk i alle aldrar gjennom heile året. Bruken av området på barmark har ført til stor slitasje på terrenget i enkelte delar av traseen. For å forhindre at det skal bli ytterlegare slitasje, er det ein plan om ny trase i store delar av området og noko tiltak i den eksisterande stien. Det vil bli søkt om prosjektmidlar og ein har god tru på at det blir ein oppstart av jobben straks snøen forsvinn våren 2023.

Bruene nedanfor Trollevatnet

September - Knut Skurtveit frå gruppa har representert IST ved synfaring nedanfor Trollevatnet som er over Lundeskaret, der temaet har vore at dei to bruene i området har vorte utilgjengelege under flaum i samband med reguleringa i området. Med på synfaringa var det representant frå Sunnfjord kommune, grunneigar og folk frå Eviny/BKK.

I etterkant av synfaringa har det blitt gjennomført teamsmøte.

BKK/Eviny vil påta seg ansvaret med å sette opp to nye bruer og det vil bli utarbeida ei avtale med grunneigarane som formelt sett eig bruene. Eviny/BKK vil bidra med framtidig vedlikehald.

Møte i Rådgevande utval for Naustdal- og Gjengedal landskapsvernområde.

Oktober - Møte på Skei. Kjell Arne Hjellbrekke som er vara for Jan Bjarte i utvalet, stilte på møtet.

2022:

Rute	Område/punkt	Tiltak	Timar	Merknad
Generelt	Alle	Møte med merke- og løypnemnda	10	Alle
Sele-Bergsheia	Som under	Laga 12 raud-toppa trestikker	2	Atle
Sele-Bergsheia	Nedre del ca til skoggrensa	Kvisting og stikking Skilt på P-plass	12	Atle + Ingebjørg og Magnar
Lundeskaret-Marabreen	Merking og rydding. Vart amputert pga ikkje mogeleg å komme over elva under Trollevatnet	Rydd skog som låg over stien innanfor Lundebotnet	6	Knut
Haugastølen-Oldeskaret		Merking	4,5	Knut
Befringstølen-Kvannebakknova		Merking og vardebygging	5,5	Knut
Fossheimsstølen-Høgenipa		Merking	4	Knut
Lundeskaret-Marabreen		Merking	5	Knut
Skeistølen-Førdsnipa	Bakkane over Skeistølen	Kvisting	2	Jan B
Under Trollevatnet		Møte/synfaring	4	Knut
Nordheia		Møte/synfaring	14	Jan B og Ingebjørg
Ulike Prosjekt Askvoll- og Holmedals fjella		Klopper, steinlegging og grafsing	150	John Lien
Sum timar 2022			219	
Sum timar i 2021			146	



MERKENEMNDA I GODT DRIV, OKTOBER 2022

TiTur Dalsfjorden

TiTu Dalsfjorden går frå 1.mai til 2.oktober. Tiltaket er eit samarbeid mellom IST, Askvoll kommune, Fjaler Kommune, og turgruppene i Askvoll og Fjaler. Årets deltakerpremie har vore ullbuffer frå DNT butikken med T-logo.

I 2022 har det totalt vore 4145 innskrivinger i bøker, og 1831 innsjekkingar på UT Appen. Det har vore 170 deltakere som har gått alle turane i TiTur Dalsfjorden. Det er ein nedgang frå 2020 (223 deltakarar) og 2021 (236 deltakarar), men fleir enn i 2019 (141 deltakarar).

Vi kan mest truleg skulde den dårlege sommaren, men det har nok også vore fleire på utanlandstur eller anna ferie i sommar.

Den yngste deltakaren har vore 2 år, og den eldste deltakaren er 81 år. Snittalder er 49 år.



VINNERBILETET FRÅ INSTAGRAM, 2022

TiTur Sunnfjord

På UT.no, digital liste: Av 121 som har følgt lista var det 27, i tillegg til dei som berre har levert på papir, som fullførte med innsjekkingar på alle 10 turmåla. Dette talet inkluderer ikkje barn under sju år ettersom dei "fullfører" med færre innsjekk. Tallet for fullførte er dermed for lågt, sett i kontrast til 2016 med 219 innleverte TiTur kort.

Det interessante er at 381 unike brukere har vore på ein eller fleire av turmåla, men berre 121 av desse har altså "abonnert" på årets TiTur.


Dei som har levert inn TiTur på kontoret er stort sett takknemmelige for opplegget og syntest det er ein kjekk motivasjon til å komme seg ut, særleg i sommar med mykje dårleg ver. Det vert også kommentarer på at det er kjekt at turane er spreidde utover kommunen, slik at ein ser litt nye områder.

Annonsering av vinnerane skjer på årsmøtet til IST i november.



kiskag1
Naregga

Følg



VINNERBILETET FRÅ INSTAGRAM, 2022

Statistikk

2020	Medlem	Innbyggjarar	Prosent av innbyggjarane
Askvoll	185	3011	6,1
Sunnfjord	1581	22030	7,1
Fjaler	143	2802	5,1
SUM	1909		

2021	Medlem	Innbyggjarar	Prosent av innbyggjarane
Askvoll	181	2970	6,9
Sunnfjord	1591	22079	7,2
Fjaler	148	2844	5,2
SUM	1920		

2022	Medlem	Innbyggjarar	Prosent av innbyggjarane
Askvoll	189	2950	6,4
Sunnfjord	1496	22 160	7,2
Fjaler	142	2846	5,2
SUM	1819		

Det er 4 medlemmer som er busett i andre kommunar.

Medlemmer	2020	2021	2022
Familie hovudmedlem	169	187	
Hovudmedlem	624	627	989
Studentmedlem	63	49	148
Honnør	209	208	295
Livsvarig	10	10	
Barn	78	54	195
Skule	57	33	196
Husstandsmedlem	198	236	
Familiehusstand	545	561	
Totalt	1953	1975	1823

	2020 (turar, deltakarar)	2021 (turar, deltakarar)	2022 (Turar/deltakarar)
IST vaksne	11 (168)	25 (541)	16 (382)
Onsdagsturar	11 (98)		
IST ung m/klattring	6 (22)	4 (54)	1 (6)
Opptur	1 (28)		2 (65)
Barnas Turlag	29 (532)	20 (912)	23 (1105)
Seniorturar	6 (63)	17 (317)	19 (334)
FTU			2 (70)
Totalt	64 (911)	66 (1824)	63 (1962)

